



# Estadística de protección de menores 2020

Operación estadística 2506-02-OE05



# **Estatística de protección de menores 2020**

**Operación estadística 2506-02-OE05**

**Xunta de Galicia**  
Consellería de Política Social  
Dirección Xeral de Familia, Infancia e Dinamización Demográfica  
2021



© Xunta de Galicia. 2021. Estatística de protección de menores, 2020

**Edita:**

Consellería de Política Social

Dirección Xeral de Familia, Infancia e Dinamización Demográfica

Url: <https://libraria.xunta.gal/gl/estadistica-de-proteccion-de-menores-2020>

Esta obra distribúese cunha licenza CC-Atribución.CompartirIguual 4.0

España de Creative Commons. Para ver unha copia de licenza, visite:

[https://creativecommons.org/licenses/by/4.0/deed.es\\_ES](https://creativecommons.org/licenses/by/4.0/deed.es_ES)

**Elaboración:**

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia. Servizo de Protección de Menores

**Coordinación e revisión:**

Pepa Dabán Royo

**Maquetación:**

Antonio Lameiro Ces

ISSN 1889-8025



<b>Introdución .....</b>	<b>5</b>
<b>Normativa .....</b>	<b>7</b>
<b>Unidades estadísticas.....</b>	<b>9</b>
<b>1 Menores tutelados .....</b>	<b>9</b>
<b>2 Menores en situación de garda .....</b>	<b>11</b>
<b>3 Acollemento e menores acollidos .....</b>	<b>13</b>
3.1 Acollemento familiar.....	13
3.2 Acollemento residencial.....	16
<b>4 Adopción e menores adoptados.....</b>	<b>19</b>
4.1 Adopción nacional.....	19
4.2 Adopción internacional.....	20
<b>5 Programas de apoio e beneficiarios .....</b>	<b>23</b>
5.1 Atención de día .....	23
5.2 Programa de integración familiar (PIF).....	25
5.3 Programa de avaliación e tratamento terapéutico de menores en situación de risco e desamparo.....	26
5.4 Programa de intervención ambulatoria con adolescentes que teñan aberto expediente de protección e en conflito social .....	27
5.5 Programa de inserción sociolaboral de menores (Mentor).....	27
<b>6 Menores estranxeiros non acompañados (Menas).....</b>	<b>29</b>
<b>7 Liña de axuda á infancia.....</b>	<b>31</b>



## Introdución

A Consellería de Política Social, de acordo co artigo 1 do Decreto 176/2015, do 3 de decembro, polo que se establece a súa estrutura orgánica, asume, entre outras, as competencias en materia de servizos sociais, incluídas as áreas de familia, menores e benestar social. En concreto, a través da Dirección Xeral de Familia, Infancia e Dinamización Demográfica, leva a cabo as funcións de planificación, xestión, coordinación, seguimento, avaliación e control dos programas, servizos e centros relativos á protección da familia, á atención dos/as menores en situación de risco ou desamparo, en aplicación do previsto na Lei 3/2011, do 30 de xuño, de apoio á familia e á convivencia de Galicia.

O órgano responsable da xestión destas materias é a Subdirección Xeral de Política Familiar, Infancia e Adolescencia, así como as xefaturas territoriais da Coruña, Lugo, Ourense e Pontevedra.

Unha síntese cuantitativa anual da progresión e resultados no desenvolvemento destas competencias é a estatística de protección de menores, que recolle os datos principais referidos aos expedientes de menores que están baixo a acción protectora da Xunta de Galicia que poden resultar de interese. Os datos refírense a tutelas, gardas, acollemento familiar e residencial, adopción nacional e internacional, menores estranxeiros non acompañados e varios programas destacados de atención a familias e a menores en situación de risco ou desamparo.

A edición deste ano, cos datos correspondentes a 2020 responde á estrutura e contido descritos na operación estatística 2506-02-OE05 Estatística de protección de menores do Instituto Galego de Estatística.





## Normativa

A continuación cítanse as normas de diferente rango aplicables a menores e familias nos ámbitos internacional, nacional e autonómico.

### Normativa internacional:

- Convención sobre os Dereitos do Neno adoptada pola Asemblea Xeral das Nacións Unidas o 20 de novembro de 1989, e ratificada por Instrumento do 30 de novembro de 1990 (BOE nº 313, do 31.12.1990).
- Convenio relativo á protección do neno e á cooperación en materia de adopción internacional. A Haia, 29 de maio de 1993. Ratificado por Instrumento de 30 de xuño de 1995 (BOE nº 182, do 1.08.1995).
- Convenio Europeo en materia de adopción de menores (revisado). Estrasburgo, 27 de novembro de 2008. Ratificado por instrumento do 16 de xullo de 2010.

### Normativa estatal:

- Código Civil do 29 de xullo de 1889 (Art. do 109 ao 111, do 160 ao 180, 201, 215, 216, do 222 ao 233, 239, 242 e do 259 ata o 285).
- Lei orgánica 8/2015, do 22 de xullo, de modificación do sistema de protección á infancia e á adolescencia. (BOE nº 175, do 23.07.2015)
- Lei 26/2015, do 28 de xullo, de modificación do sistema de protección á infancia e á adolescencia. (BOE nº 180, do 29.07.2015)
- Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social (Arts. 35 e 36). (BOE nº 10, do 12.01.2000). Modificada pola Lei orgánica 2/2009, do 11 de decembro (BOE nº 299, do 12.12.2009)
- Real decreto 557/2011, do 20 de abril, polo que se aproba o Regulamento da Lei orgánica 4/2000, sobre dereitos e liberdades dos estranxeiros en España e a súa integración social, tras a súa reforma pola Lei Orgánica 2/2009. (BOE nº 103, do 30.04.2011).
- Lei 54/2007, do 28 de decembro, de adopción internacional (BOE nº 312, do 29.12.2007).

### Normativa autonómica:

- Lei 3/2011, do 30 de xuño, de apoio á familia e á convivencia de Galicia (DOG nº 134 do 13.07.2011).
- Lei 2/2006, do 14 de xuño, de dereito civil de Galicia (DOG nº 124, do 29.06.2006). Modificada pola Lei 3/2011, do 30 de xuño.
- Decreto 42/2000, do 7 de xaneiro, polo que se refunde a normativa reguladora vixente en materia de familia, infancia e adolescencia (DOG nº 45, do 6.03.2000). Modificado polo Decreto 406/2003, do 29 de outubro (DOG nº 222, do 14.11.2003) e polo Decreto 184/2008, do 24 de xullo, polo que se crea o Observatorio Galego da Infancia (DOG nº 169 do 2.09.2008). Título III derogado pola Lei 3/2011, do 30 de xuño, de apoio á familia e á convivencia de Galicia.
- Decreto 329/2005, do 28 de xullo, polo que se regulan os centros de menores e os centros de atención á infancia (DOG nº 156, do 16.08.2005).
- Decreto 254/2011, do 23 de decembro, polo que se regula o réxime de rexistro, autorización, acreditación e inspección dos servizos sociais de Galicia (DOG nº 14, do 20.01.2012).
- Decreto 216/2020, de 3 de decembro, polo que se establece a estrutura orgánica da Consellería de Política Social (DOG nº 253, do 17.12.2020).



# 1 Menores tutelados

Correspóndelle á Xunta de Galicia, a través da Consellería de Política Social, asumir a tutela dos menores desamparados que residan ou se atopen transitoriamente na Comunidade Autónoma de Galicia. A asunción da tutela atribuída á entidade pública leva consigo a suspensión da patria potestade. Así mesmo, leva implícita a garda da persoa menor por parte da entidade pública.

Enténdese por desamparo a situación que se produce de feito por mor do incumprimento ou do imposible ou inadecuado exercicio dos deberes de protección establecidos polas leis para a garda das persoas menores, cando estas queden privadas da necesaria asistencia.

Consideraranse situacións de desamparo:

- a) O abandono da persoa menor de idade.
- b) A existencia de malos tratos físicos ou psíquicos ou de abusos sexuais por parte das persoas da unidade familiar ou de terceiras persoas con consentimento daquelas.
- c) A negligencia grave no cumprimento das obrigas alimentarias, hixiénicas ou de saúde, sempre que supoña un prexuízo grave para a integridade do neno ou a nena ou do/a adolescente.
- d) A indución do neno, nena ou adolescente á mendicidade, á delincuencia, á prostitución ou a calquera outra forma de explotación económica ou sexual do menor, ou permisividade respecto destas condutas.
- e) As condutas adictivas da persoa menor de idade co consentimento ou a tolerancia das persoas que exerzan a súa garda.
- f) O trastorno mental grave dos pais, nais, titores/as ou gardadores/as que impida o normal exercicio da patria potestade, da tutela ou da garda.
- g) As condutas adictivas nas persoas que integran a unidade familiar e, en especial, das que posúen a patria potestade ou a tutela, sempre que menoscaben gravemente o desenvolvemento e o benestar da persoa menor.
- h) A convivencia nun contorno sociofamiliar que deteriore gravemente a integridade moral do neno, nena ou adolescente ou prexudique o desenvolvemento da súa personalidade.
- i) A falta de persoas ás cales lles corresponde exercer as funcións de garda ou cando estas persoas estean imposibilitadas para exercelas ou en situación de exercelas con perigo grave para o neno, nena ou adolescente.
- j) A falta de escolarización habitual do neno, nena ou adolescente co consentimento ou a tolerancia dos pais, nais ou das persoas que exerzan a garda, sempre que menoscabe o desenvolvemento e o benestar da ou do menor, ou sempre que supoña un prexuízo grave do neno, nena ou adolescente.
- k) Calquera outra situación de desprotección que se produza de feito a causa do incumprimento ou dun imposible ou inadecuado exercicio dos deberes de protección establecidos polas leis para a garda das persoas menores de idade cando estas queden privadas da necesaria asistencia moral ou material.

**Táboa nº 1. Menores en situación de tutela pola Xunta de Galicia. Galicia e provincias. Ano 2020.**

Menores en situación de tutela 2020			
	Nenos	Nenas	Total
A Coruña	370	403	773
Lugo	12	21	33
Ourense	111	94	205
Pontevedra	453	457	910
<b>Galicia</b>	<b>946</b>	<b>975</b>	<b>1.921</b>



## 2 Menores en situación de garda

Á entidade pública de protección de menores correspóndelle a garda das persoas menores das que teña asumida a tutela.

Ademais, cando os pais, nais, ou titores, por circunstancias graves, cumpridamente avaliadas, non poidan cooidar o ou a menor, poden solicitar da Xunta de Galicia que esta asuma a súa garda durante o tempo necesario.

Así mesmo, a Xunta de Galicia asumirá a garda cando así o acorde o xuíz.

Nesta unidade estatística só se reflicten as dúas últimas (garda rogada e xudicial) xa que a primeira se entende incluída dentro da unidade “menores en situación de tutela”.

A garda asumida pola Administración, sexa como función inherente á tutela, por petición dos pais ou por resolución xudicial, exercecese mediante o acollemento familiar e o acollemento residencial.

**Táboa nº 2.1 Menores en situación de garda. Galicia e provincias. Ano 2020.**

Menores en situación de garda . Galicia e provincias 2020			
	Nenos	Nenas	Total
A Coruña	196	167	363
Lugo	6	0	6
Ourense	24	20	44
Pontevedra	136	101	237
<b>Galicia</b>	<b>362</b>	<b>288</b>	<b>650</b>

**Táboa nº 2.2 Menores segundo o tipo de garda. Galicia. Ano 2020.**

Menores segundo o tipo de garda. Ano 2020			
	Nenos	Nenas	Total
Administrativa	207	158	365
Xudicial	6	1	7
Provisional	149	129	278
<b>Total gardas</b>	<b>362</b>	<b>288</b>	<b>650</b>



## 3 Acollemento e menores acollidos

O acollemento é o modo de exercicio da garda como medida de protección da persoa menor, e consiste na integración do neno ou nena nunha familia acolledora (acollemento familiar) ou no seu aloxamento e atención nun centro axeitado (acollemento residencial). A familia ou persoa acolledora ten a obriga de velar polo neno ou nena, telo na súa compañía, alimentalo, educalo e procurarlle unha formación integral.

Os principios de actuación no acollemento son:

- a) Darlle prioridade ao acollemento familiar sobre o residencial.
- b) Evitar, na medida do posible, a separación de irmáns e procurar o seu acollemento por unha mesma familia ou nun mesmo centro.
- c) Favorecer a permanencia do neno, nena ou adolescente no seu propio ambiente, procurando que o acollemento se produza na familia extensa agás que non sexa aconsellable para o interese da persoa menor acollida ou dos menores do grupo familiar acolledor.
- d) Fomentar as relacións entre o neno, nena ou adolescente e a súa familia natural para posibilitar a súa reintegración a esta.
- e) Manter a medida polo tempo estritamente necesario.
- f) Fomentar a integración do neno, nena ou adolescente no contorno social e a asistencia aos sistemas educativos, sanitarios e laborais.
- g) Co obxecto de facilitar a integración do menor nunha unidade familiar poderase compatibilizar a utilización do acollemento residencial e o familiar.

Nesta unidade estatística non se recollen os acollementos pre adoptivos, que son os constituídos como paso previo á adopción e mediante os que ten lugar un período de convivencia entre o ou a menor e a familia asignada co obxectivo de valorar o acoplamento entre ambas as dúas partes.

Existen dous tipos de acollemento: o acollemento familiar e o acollemento residencial.

### 3.1 Acollemento familiar

Mediante este tipo de acollemento outórgase a garda dunha persoa menor a unha persoa ou núcleo familiar coa obriga de coidala, alimentala, educala por un tempo co fin de integrala nunha vida familiar que substitúa ou complementa temporalmente á súa familia biolóxica.

O acollemento pode ter lugar na familia extensa do menor (isto é, cando existen vínculos de parentesco entre a familia acolledora e o/a neno/a ou adolescente: avós, tíos, irmáns...) ou ben en familias alleas (cando non existe parentesco). Sempre que sexa posible, e que as circunstancias propias do caso non o desaconsellen, considérase prioritario que o acollemento se faga na familia extensa, para favorecer a permanencia do/a menor no seu propio ambiente.

Por outra banda, atendendo ás circunstancias da persoa acollida e da familia acolledora, esta pode percibir ou non unha compensación económica polo acollemento; falamos así de acollementos remunerados ou non remunerados.

Táboa nº 3.1.1 Acollemento familiar na provincia da Coruña. Ano 2020.

Acollemento familiar A Coruña 2020									
	Familia extensa			Familia allea			Total		
	Nenos	Nenas	Familias	Nenos	Nenas	Familias	Nenos	Nenas	Familias
Remunerado	257	267	489	60	63	118	317	330	607
Non remunerado									
<b>Total</b>	<b>257</b>	<b>267</b>	<b>489</b>	<b>60</b>	<b>63</b>	<b>118</b>	<b>317</b>	<b>330</b>	<b>607</b>

Táboa nº 3.1.2 Acollemento familiar na provincia de Lugo. Ano 2020.

Acollemento familiar Lugo 2020									
	Familia extensa			Familia allea			Total		
	Nenos	Nenas	Familias	Nenos	Nenas	Familias	Nenos	Nenas	Familias
Remunerado	24	25	44	0	13	14	24	38	58
Non remunerado									
<b>Total</b>	<b>24</b>	<b>25</b>	<b>44</b>	<b>0</b>	<b>13</b>	<b>14</b>	<b>24</b>	<b>38</b>	<b>58</b>

Táboa nº 3.1.3 Acollemento familiar na provincia de Ourense. Ano 2020

Acollemento familiar Ourense 2020									
	Familia extensa			Familia allea			Total		
	Nenos	Nenas	Familias	Nenos	Nenas	Familias	Nenos	Nenas	Familias
Remunerado	52	44	80	36	22	45	88	66	125
Non remunerado									
<b>Total</b>	<b>52</b>	<b>44</b>	<b>80</b>	<b>36</b>	<b>22</b>	<b>45</b>	<b>88</b>	<b>66</b>	<b>125</b>

Táboa nº 3.1.4 Acollemento familiar na provincia de Pontevedra. Ano 2020

Acollemento familiar Pontevedra 2020									
	Familia extensa			Familia allea			Total		
	Nenos	Nenas	Familias	Nenos	Nenas	Familias	Nenos	Nenas	Familias
Remunerado	197	216	328	41	41	61	238	257	389
Non remunerado									
<b>Total</b>	<b>197</b>	<b>216</b>	<b>328</b>	<b>41</b>	<b>41</b>	<b>61</b>	<b>238</b>	<b>258</b>	<b>389</b>



**Táboa nº 3.1.5 Acollemento familiar en Galicia. Ano 2020**

Acollemento familiar Galicia 2020									
	Familia extensa			Familia allea			Total		
	Nenos	Nenas	Familias	Nenos	Nenas	Familias	Nenos	Nenas	Familias
Remunerado	530	553	940	137	139	238	<b>667</b>	<b>691</b>	<b>1.179</b>
Non remunerado							<b>0</b>	<b>0</b>	<b>0</b>
<b>Total</b>	<b>530</b>	<b>553</b>	<b>940</b>	<b>137</b>	<b>139</b>	<b>238</b>	<b>667</b>	<b>691</b>	<b>1.179</b>

**Táboa nº 3.1.6 Acollemento familiar segundo a situación administrativa dos menores. Galicia e provincias. Ano 2020**

Acollemento familiar segundo a situación administrativa dos menores. Galicia e provincias. 2020					
		Tutelas	Outros	Total	Total nenos e nenas
A Coruña	Nenos	208	109	317	<b>647</b>
	Nenas	209	121	330	
Lugo	Nenos	24	0	24	<b>62</b>
	Nenas	38	0	38	
Ourense	Nenos	78	10	88	<b>154</b>
	Nenas	60	6	66	
Pontevedra	Nenos	214	24	238	<b>496</b>
	Nenas	235	23	258	
Galicia	Nenos	524	143	667	<b>1.359</b>
	Nenas	542	150	692	
		1.066	293	1.359	

## 3.2 Acollemento residencial

Comporta o ingreso dun/dunha menor nun centro residencial xestionado directamente pola Comunidade Autónoma ou indirectamente a través dunha institución pública ou privada colaboradora, co obxecto de recibir a atención, educación e formación axeitadas que, polo menos temporalmente, non poida proporcionarlle a súa propia familia.

Ten carácter subsidiario do acollemento familiar e das demais medidas de protección. Isto significa que só se poderá aplicar esta medida cando se esgotaren todas as posibilidades de mantemento da ou do menor na súa familia e o acollemento familiar, a tutela ordinaria ou a adopción non sexan posibles ou se consideren non apropiados.

Esta medida manterase polo tempo estritamente necesario, procurándose a integración da ou do menor no contorno social e o acceso aos sistemas ordinarios educativos, sanitarios, laborais e outros.

Os centros residenciais son de diferentes tipos segundo as súas características. Achégase a continuación unha breve descrición de cada un deles.

- Centros con fogares: son equipamentos residenciais distribuídos en unidades de convivencia dun máximo de 10 prazas en cada unha.
- Minirresidencias: instaladas en vivendas normalizadas, cunha capacidade máxima de 15 prazas.
- Casas de familia: situadas en vivendas normalizadas (pisos ou vivendas unifamiliares), integradas na comunidade e cunha capacidade máxima de 8 prazas.
- Vivendas tuteladas: espazos normalizados, para menores próximos a cumprir a maioría de idade. Teñen unha capacidade máxima de 8 prazas.
- Vivendas de transición á vida autónoma, ou vivendas asistidas, para mozos e mozas maiores de idade (ex – tutelados), que necesitan apoio para acadar a súa autonomía definitiva. Funcionan en réxime de autoxestión baixo a supervisión técnica externa dun educador.

Atendendo á súa xestión, os centros poden ser:

- Propios ou xestionados directamente pola Xunta de Galicia a través de persoal propio.
- Colaboradores ou xestionados por unha entidade prestadora de servizos sociais.

A partir destas dúas características, as táboas que seguen representan, respectivamente, os recursos dispoñibles en cada provincia e en Galicia, o número de prazas en cada un deles e, por último, a distribución dos/as menores en acollemento residencial a partir das dúas primeiras características. Dado que se produciron variacións ao longo do ano, as táboas 3.2.1 e 3.2.2 reflicten a situación o 31 de decembro de 2020.

**Táboa nº 3.2.1 Número de centros residenciais para a protección de menores segundo a súa tipoloxía e a titularidade da xestión. Galicia e provincias. Ano 2020**

	Nº de centros residenciais para a protección de menores segundo tipoloxía e titularidade da xestión. Galicia e provincias. Ano 2020													
	A Coruña			Lugo			Ourense			Pontevedra			Galicia	
	Pública	Concertada		Pública	Concertada		Pública	Concertada		Pública	Concertada		Pública	Concertada
Centro con fogares	2	3		1	0		1	1		0	3		4	7
Casas de familia	0	5		0	4		0	4		0	13		0	26
Vivenda tutelada	0	2		0	1		0	1		0	2		0	6
Mini residencia	0	4		0	7		0	1		0	3		0	15
Vivenda asistida	0	0		0	0		0	0		0	1		0	1
C. 1ª Acollida	0	0		0	0		0	1		0	1		0	2
Total centros	2	14		1	12		1	8		0	23		4	57
<b>Públicos e concertados</b>	<b>16</b>			<b>13</b>			<b>9</b>			<b>23</b>			<b>61</b>	

**Táboa nº 3.2.2 Número de prazas residenciais para a protección de menores segundo a súa tipoloxía e a titularidade da xestión. Galicia e provincias. Ano 2020**

	Nº de prazas residenciais para a protección de menores segundo tipoloxía e titularidade da xestión. Galicia e provincias. Ano 2020													
	A Coruña			Lugo			Ourense			Pontevedra			Galicia	
	Pública	Concertada		Pública	Concertada		Pública	Concertada		Pública	Concertada		Pública	Concertada
Centro con fogares	62	73		32	0		56	28		0	133		150	234
Casas de familia	0	40		0	32		0	32		0	102		0	206
Vivenda tutelada	0	16		0	8		0	8		0	16		0	48
Mini residencia	0	46		0	85		0	15		0	43		0	189
Vivenda asistida	0	0		0	0		0	0		0	4		0	4
C. 1ª Acollida	0	0		0	0		0	8		0	10		0	18
Total prazas	62	175		32	125		56	91		0	308		150	699
<b>Públicas e concertadas</b>	<b>237</b>			<b>157</b>			<b>147</b>			<b>308</b>			<b>849</b>	

Táboa nº 3.2.3 Menores acollidos en centros segundo a titularidade da xestión. Galicia e provincias. Ano 2020

Titularidade	Menores acollidos en centros segundo a titularidade da xestión. Galicia e provincias. Ano 2020											
	A Coruña		Lugo		Ourense		Pontevedra		Galicia			
	nenos	nenas	nenos	nenas	nenos	nenas	nenos	nenas	nenos	nenas	nenos	nenas
Centros propios	48	41	37	12	49	31	0	0	134	84		
Centros colaboradores	136	131	90	65	92	87	200	194	518	477		
Propios e colaboradores	184	172	127	77	141	118	200	194	651	561		
<b>Total menores</b>	356		204		259		394		1.213			

## 4 Adopción e menores adoptados

O artigo 73 (Adopción como medida de protección) da Lei 3/2011, do 30 de xuño, de apoio á familia e á convivencia de Galicia, expresa, no apartado 1, que *a adopción é unha medida de protección dirixida á persoa menor de idade en situación de desamparo, consistente na integración definitiva desta nunha familia distinta á súa familia de orixe.*

A adopción diferénciase segundo sexa nacional ou internacional.

### 4.1 Adopción nacional

Constitúe o acto xurídico mediante o que se establece unha relación xurídica de filiación entre a persoa ou persoas adoptantes e o/a menor, extinguíndose así os vínculos deste/a coa súa familia de orixe, e integrándose plenamente no seu novo núcleo familiar cunha equiparación plena de dereitos coa familia biolóxica.

Segundo as lexislacións española e galega, con independencia do seu estado civil, calquera individuo, matrimonio ou parella de feito pode solicitar unha adopción nacional.

Ademais, é necesario cumprir os seguintes requisitos:

- Ter como mínimo 25 anos cumpridos; no caso de solicitude conxunta por cónxuxes ou parellas con relación estable análoga á conxugal, bastará con que un deles teña esta idade. En todo caso, o adoptante deberá ter, polo menos, catorce anos máis que o adoptado.
- Ter residencia habitual na Comunidade Autónoma galega ou ser emigrante galego con previsión de retorno; neste caso, deberase xustificar a residencia efectiva na Comunidade Autónoma no prazo máximo dun ano desde a data de presentación da solicitude.
- Ter plena capacidade xurídica e de obrar.
- Estar declarada persoa idónea para a adopción tras o correspondente procedemento de valoración.

Na nosa Comunidade Autónoma os/as menores susceptibles de seren adoptados son tutelados pola Xunta de Galicia, quen se encarga de propoñer a adopción ao xuíz.

As persoas que desexan adoptar deben participar nun proceso que, en síntese, consta das seguintes fases:

- Participación nunha sesión informativa.
- Asistencia a un curso de formación.
- Presentación de solicitude de adopción na xefatura territorial de referencia da Consellería de Política Social, acompañada da documentación esixida.
- Valoración da idoneidade, que consiste nun estudo psicolóxico e social da/s persoa/s que se ofrecen para adoptar, para determinar as súas capacidades parentais como adoptante/s.
- Selección da familia máis axeitada para o/a neno/a que vai ser adoptado/a. Esta selección é diferente segundo se refira a nenos/as menores dun ano de idade ou nenos/as de idade superior, grupos de irmáns ou menores con algunha discapacidade, enfermidade ou característica especial.
- Constitución dunha garda con fins adoptivos ou de adopción.
- Proposta de adopción, formulada ante o xulgado pola xefatura territorial da Consellería.
- Formalización da adopción mediante resolución xudicial.

**Táboa nº 4.1.1 Adopción nacional. Número de solicitudes para adoptar segundo o estado de trámite da solicitude. Galicia e provincias. Ano 2020.**

Adopción nacional. Número de solicitudes para adoptar segundo o estado de trámite da solicitude. Galicia e provincias. Ano 2020					
	A Coruña	Lugo	Ourense	Pontevedra	Galicia
Solicitudes abertas	32	10	14	14	<b>70</b>
Resolucións de garda con fins de adopción	6	6	5	12	<b>29</b>
Propostas de adopción realizadas	3	1	6	9	<b>19</b>
Autos de adopción producidos	14	0	13	14	<b>41</b>

**Táboa nº 4.1.2 Menores acabados de nacer dados en adopción. Galicia e provincias. Ano 2020.**

Menores acabados de nacer dados en adopción. Galicia e provincias. Ano 2020					
	A Coruña	Lugo	Ourense	Pontevedra	Galicia
Nenos	1	0	2	2	<b>5</b>
Nenas	2	0	1	3	<b>6</b>
Total menores	<b>3</b>	<b>0</b>	<b>3</b>	<b>5</b>	<b>11</b>

## 4.2 Adopción internacional

Ten lugar cando se produce un traslado dunha menor con fins adoptivos dende o seu estado de orixe, onde reside, cara a outro estado no que residen os pais adoptivos. Na adopción dunha menor de orixe estranxeira intervén, ademais da lexislación española, a do país de orixe do neno ou nena. Daquela, tanto no que se refire ás persoas adoptantes como ás adoptadas, hai que ter en conta as condicións que estableza a lexislación dos países de orixe destas últimas.

Para as familias solicitantes de adopción o proceso é semellante ao de adopción nacional en canto ás fases de información, formación, solicitude e valoración de idoneidade, pero moi diferente nas fases posteriores. Así:

- Tramitación da solicitude. Obtido xa o certificado de idoneidade, a Dirección Xeral de Familia, Infancia e Dinamización Demográfica fai chegar o expediente ao país onde se desexa adoptar, e segundo do país que se trate, as canles serán:
  - Directamente pola propia Dirección Xeral, a través do ministerio competente en materia de infancia. A familia deberá enviar toda a documentación que esixa o país de orixe, xunto co certificado de idoneidade.
  - A través de organismos acreditados para a adopción internacional (OAAI), dedicadas a colaborar coas administracións públicas e cos solicitantes no proceso de adopción internacional.
- Asignación. Cada Estado dispón do seu propio procedemento unha vez recibido o expediente de adopción de familia estranxeira. Cando o órgano competente do país decide unha asignación para unha determinada familia, esta é informada a través da Dirección Xeral de Familia, Infancia e Dinamización Demográfica para que comunique a súa aceptación do/a menor asignado/a.
- Constitución da adopción. Unha vez comunicada a conformidade coa asignación, o país de orixe continúa a tramitación do expediente ata constituír e formalizar definitivamente a adopción.

**Táboa nº 4.2.1 Solicitudes presentadas para adopción internacional. Galicia e provincias. Ano 2020.**

Solicitudes presentadas para adopción internacional. Galicia e provincias 2020				
A Coruña	Lugo	Ourense	Pontevedra	Galicia
16	5	2	8	31

**Táboa nº 4.2.2 Expedientes tramitados pola Dirección Xeral de Familia, Infancia e Dinamización Demográfica por país. Galicia e provincias. Ano 2020**

Adopción internacional. Expedientes tramitados pola Dirección Xeral de Familia, Infancia e Dinamización Demográfica, por país. Galicia e provincias. Ano 2020					
	A Coruña	Lugo	Ourense	Pontevedra	Galicia
Adecop Galicia (Entidad colaboradora de adopción internacional)					
Vietnam	0	0	0	1	1
Aci Galicia (Asociación para el Cuidado de la Infancia)					
China	2	0	0	2	4
Vietnam	1	0	0	0	1
Mimo Galicia					
Hungría	4	1	1	0	6
IPI - Cataluña					
Costa de Marfil	0	1	0	0	1
<b>Total expedientes</b>	<b>7</b>	<b>2</b>	<b>1</b>	<b>3</b>	<b>13</b>

**Táboa nº 4.2.3 Menores con preasignación a familia comunicada á Dirección Xeral de Familia, Infancia e Dinamización Demográfica por país de orixe. Galicia provincias. Ano 2020**

<b>Adopción internacional. Preasignacións comunicadas á Dirección Xeral de Familia, Infancia e Dinamización Demográfica por país de orixe. Galicia e provincias. Ano 2020</b>					
	A Coruña	Lugo	Ourense	Pontevedra	Galicia
Bulgaria	0	0	1	0	1
China	3	0	0	1	4
Colombia	2	0	0	0	2
Hungría	5	0	0	2	7
Filipinas	1	0	0	0	1
Vietnam	3	0	1	2	6
<b>Total menores</b>	<b>14</b>	<b>0</b>	<b>2</b>	<b>5</b>	<b>21</b>



## **5 Programas de apoio e beneficiarios**

Un dos principios reitores que deben rexer as actuacións dos poderes públicos na protección da infancia e da adolescencia é a integración sociofamiliar dos nenos, nenas e adolescentes, garantindo, sempre que sexa posible, a permanencia no seu ambiente familiar e contorno comunitario.

Para conseguilo, ademais de adoptar, se procede, as medidas de tutela ou garda, os servizos especializados de protección da infancia da Consellería de Política Social, desenvolven os seguintes programas de apoio ás persoas menores e ás súas familias:

### **5.1 Atención de día**

Mediante o programa de atención de día préstaselles aos e ás menores en situación de risco, desamparo ou conflito social, un servizo de apoio socioeducativo e familiar, co obxecto de favorecer o seu proceso de normalización. O programa de atención de día desenvólvese en equipamentos de uso exclusivo para esta finalidade ou ben en unidades específicas existentes en equipamentos de acollemento residencial. Os centros están xestionados pola Administración pública ou concertados con entidades colaboradoras.

Táboa nº 5.1.1 Número de centros con atención de día segundo a súa tipoloxía e titularidade da xestión. Galicia e provincias. Ano 2020

	Nº de centros con atención de día segundo a súa tipoloxía e titularidade da xestión. Galicia e provincias. Ano 2020												
	A Coruña		Lugo		Ourense		Pontevedra		Galicia		Concertada	Pública	
	Pública	Concertada	Pública	Concertada	Pública	Concertada	Pública	Concertada	Pública	Concertada			
Centro con fogares	2	3	0	0	1	0	0	0	0	3	3	0	6
Casas de familia	0	3	0	0	0	0	0	0	0	5	0	0	8
Mini residencia	0	4	0	6	0	1	0	0	2	2	0	0	13
Centro de día integral	0	2	0	3	0	3	0	0	6	6	0	0	14
Total centros	2	12	0	9	1	4	0	0	16	16	3	0	41
<b>Públicos e concertados</b>	14		9		5		16		44				

Táboa nº 5.1.2 Número de prazas de atención de día segundo a tipoloxía e titularidade da xestión do centro. Galicia e provincias. Ano 2020

	Nº de prazas de atención de día segundo a tipoloxía e titularidade da xestión do centro. Galicia e provincias. Ano 2020												
	A Coruña		Lugo		Ourense		Pontevedra		Galicia		Concertada	Pública	
	Pública	Concertada	Pública	Concertada	Pública	Concertada	Pública	Concertada	Pública	Concertada			
Centro con fogares	20	19	0	0	20	0	0	0	50	40	69	0	69
Casas de familia	0	10	0	0	0	0	0	0	15	0	25	0	25
Mini residencia	0	17	0	22	0	4	0	0	11	0	54	0	54
Centro de día integral	0	31	0	43	0	33	0	0	93	0	200	0	200
Total prazas	20	77	0	65	20	37	0	0	169	40	348	0	348
<b>Públicos e concertados</b>	97		65		57		169		388				

**Táboa nº 5.1.3 Menores en atención de día segundo a titularidade da xestión do centro. Galicia e provincias. Ano 2020**

Menores en atención de día segundo a titularidade da xestión do centro. Galicia e provincias. Ano 2020										
Tipoloxía	A Coruña		Lugo		Ourense		Pontevedra		Galicia	
	nenos	nenas	nenos	nenas	nenos	nenas	nenos	nenas	nenos	nenas
Centros propios	15	12	0	0	5	4	0	0	20	16
Centros concertados	72	54	57	42	20	26	105	101	254	223
Total nenos/nenas	87	66	57	42	25	30	105	101	274	239
<b>Total menores</b>	<b>153</b>		<b>99</b>		<b>55</b>		<b>206</b>		<b>513</b>	

## 5.2 Programa de integración familiar (PIF) 2020

Este programa, mediante unha intervención educativa, terapéutica e asistencial nos núcleos familiares, ten un triple obxectivo:

- Acadar a integración familiar de nenos/as institucionalizados (reunificación familiar). O programa traballa para mellorar a situación persoal, social e familiar dos/as menores que tiveron que ser separados das súas familias e residen en centros de acollida. A intervención realízase no núcleo familiar e en coordinación cos responsables do/a menor no centro.
- Evitar a separación familiar e o previsible internamento dos nenos/as (preservación familiar). Ante a detección de indicadores de risco, trátase de intervir reforzando a cohesión familiar así como potenciando os seus recursos, para promover cambios que eviten a separación do/a menor do seu contorno.
- Funcionalidade familiar: romper dinámicas de deterioración grave en familias que teñen contactos cos seus fillos e fillas, posibilitando que as familias acaden a funcionalidade mínima necesaria para constituír unha referencia positiva para os seus fillos e fillas.

**Táboa nº 5.2.1 Menores atendidos no Programa de integración familiar segundo modalidade de intervención. Galicia e provincias. Ano 2020**

Programa de integración familiar. Galicia e provincias. Ano 2020										
Tipoloxía	A Coruña		Lugo		Ourense		Pontevedra		Galicia	
	nenos	nenas	nenos	nenas	nenos	nenas	nenos	nenas	nenos	nenas
Reunificación familiar	9	13	9	4	10	3	12	15	40	35
Preservación familiar	12	17	19	12	11	12	16	7	58	48
Funcionalidade familiar	14	10	1	3	5	1	0	0	20	14
Total nenos/nenas	35	40	29	19	26	16	28	22	118	97
<b>Total menores</b>	<b>75</b>		<b>48</b>		<b>42</b>		<b>50</b>		<b>215</b>	

**Táboa nº 5.2.2 Familias atendidas no Programa de integración familiar segundo modalidade de intervención. Galicia e provincias. Ano 2020**

Programa de integración familiar. Familias. Galicia e provincias. Ano 2020					
	A Coruña	Lugo	Ourense	Pontevedra	Galicia
Reunificación familiar	13	10	6	21	<b>50</b>
Preservación familiar	18	17	10	14	<b>59</b>
Funcionalidade familiar	15	3	2	0	<b>20</b>
<b>Total familias</b>	<b>46</b>	<b>30</b>	<b>18</b>	<b>35</b>	<b>129</b>

### 5.3 Programa de avaliación e tratamento terapéutico de menores en situación de risco e desamparo

Este programa de colaboración entre a Consellería de Política Social e a Fundación Universidade da Coruña inclúe o deseño e aplicación do tratamento terapéutico aos menores derivados polos equipos técnicos de menores. Son beneficiarios os menores con expediente aberto no Servizo de Protección das catro provincias galegas que amosen desaxustes emocionais e de conduta severos, orixinados ou relacionados coa situación de desprotección que sufriron. Poderán ser beneficiarios igualmente a familia biolóxica ou acollidora do menor e os profesionais que se ocupan del.

**Táboa nº 5.3.1 Programa de avaliación e tratamento terapéutico de menores en situación de risco e desamparo. Galicia e provincias. Ano 2020**

Programa de avaliación e tratamento terapéutico de menores en situación de risco e desamparo. Galicia e provincias. Ano 2020					
	A Coruña	Lugo	Ourense	Pontevedra	Galicia
Nenos	57	22	10	48	<b>137</b>
Nenas	56	26	28	43	<b>153</b>
<b>Total menores</b>	<b>113</b>	<b>48</b>	<b>38</b>	<b>91</b>	<b>290</b>

## 5.4 Programa de intervención ambulatoria con adolescentes que teñan aberto expediente de protección e en conflito social

Este programa ten por obxecto a asistencia individualizada e especializada nos eidos psicolóxico e socioeducativo dos menores que presentan perfís caracterizados por condutas disociais, comisión de delitos, consumo de drogas, fracaso, expulsión e/ou violencia escolar, pertenza a pandillas disociais, trastornos psicopatolóxicos, etc. O seu obxectivo é realizar un labor preventivo tratando de minimizar as condutas problemáticas, co fin de evitar o seu agravamento e reducir a probabilidade dunha intervención máis intensa. O programa desenvólvese na cidade de Vigo.

**Táboa nº 5.4.1 Programa de intervención ambulatoria con adolescentes que teñan aberto expediente de protección e en conflito social. Ano 2020**

Programa de intervención ambulatoria con adolescentes que teñan aberto expediente de protección e en conflito social. Ano 2020	
Nenos	44
Nenas	49
<b>Total Menores</b>	<b>93</b>

## 5.5 Programa de inserción sociolaboral de menores (Mentor)

O Programa Mentor pretende a inserción sociolaboral de mozos/as maiores de 16 anos, e menores de 21 (excepcionalmente, ata os 25), que estean ou teñan estado tutelados/as ou en situación de garda pola Xunta de Galicia, e que queiran incorporarse ao mundo laboral. O seu obxectivo é mellorar a calidade de vida destes/as mozos/as por medio dun proxecto individualizado que lles garanta unha inserción laboral e unha capacitación para a vida independente, de maneira que ao acadar a maioría de idade poidan ser plenamente autónomos.

**Táboa nº 5.5.1 Programa de inserción sociolaboral de menores. Mentor. Galicia e provincias. Ano 2020**

Programa de inserción sociolaboral de menores Mentor. Galicia e provincias. Ano 2020					
	A Coruña	Lugo	Ourense	Pontevedra	Galicia
Mozos	80	61	66	113	<b>320</b>
Mozas	68	41	46	91	<b>246</b>
<b>Total</b>	<b>148</b>	<b>102</b>	<b>112</b>	<b>204</b>	<b>566</b>



## 6 Menores estranxeiros non acompañados (Menas)

Son menores de idade procedentes doutros países que se atopan en España en situación de desamparo por non estar acompañados de ningún familiar.

**Táboa nº 6.1 Menores estranxeiros non acompañados. Galicia e provincias. Ano 2020**

Menores estranxeiros non acompañados. Galicia e provincias. Ano 2020					
	A Coruña	Lugo	Ourense	Pontevedra	Galicia
Nenos	48	47	9	27	131
Nenas	19	0	0	1	20
<b>Total Menores</b>	<b>67</b>	<b>47</b>	<b>9</b>	<b>28</b>	<b>151</b>

**Táboa nº 6.2 Países de procedencia dos menores estranxeiros non acompañados. Galicia. Ano 2020**

Menores estranxeiros non acompañados, segundo procedencia e sexo. Galicia. Ano 2020			
País	Nenos	Nenas	Total
Alxeria	2		2
Arxentina	1	2	3
Bolivia	1		1
Brasil	6	2	8
China	1		1
Colombia	4	3	7
Cuba	1	2	3
Gambia	1		1
Guinea	2	1	3
Honduras		1	1
Libia	2		2
Marrocos	59	1	60
Nixeria	1		1
Perú	3		3
Portugal	3	2	5
Rep.Dominicana	5	7	12
Romanía	15	3	18
Senegal	11		11
Uruguay		2	2
Venezuela	3	4	7
<b>Total Menas</b>	<b>121</b>	<b>30</b>	<b>151</b>





## 7 Liña de axuda á infancia

A liña de axuda á infancia é unha liña gratuíta que funciona durante todo o ano, as 24 horas do día. O seu obxecto é proporcionar axuda aos nenos necesitados de coidados e protección, aos cales se subministrarán servizos e recursos tendentes a satisfacer as súas necesidades. Serve tamén para que os nenos poidan expresar libremente as súas preocupacións, falar sobre problemas que lles afecten directamente e avisar a alguén que poida proporcionarlles axuda en caso de urxencia. Está atendido por profesionais que prestan o asesoramento axeitado e notifican inmediatamente a situación aos servizos que corresponda. Desde o 2012 funciona co número único europeo 116111.

**Táboa nº 7.1 Liña de axuda á infancia. Número de chamadas por tipoloxía da demanda. Galicia e provincias. Ano 2020**

Liña de axuda á infancia. Nº de Chamadas por tipoloxía da demanda. Galicia e provincias. Ano 2020								
	A Coruña	Lugo	Ourense	Pontevedra	Galicia	R.E. <sup>1</sup>	S/C <sup>2</sup>	Totais
Comunicación/sospeita de maltrato	52	29	17	93	191	0	1	192
Problemas de conduta	2	3	2	2	9	0	1	10
Internamento	35	12	11	41	99	2	0	101
Problemas escolares	0	0	0	2	2	0	0	2
Problemas xudiciais	2	0	1	5	8	0	8	16
Dificultade na estrutura ou dinámica familiar	6	0	2	4	12	2	4	18
Adicións	0	0	0	0	0	0	0	0
Embarazo	0	1	0	0	1	0	0	1
Dificultade nas relacións	8	2	1	1	12	0	6	18
Asesoramento	76	27	8	65	176	7	99	282
Información	85	14	23	80	202	6	226	434
Outras	18	8	5	21	52	1	204	257
Coordinación	7	3	0	5	15	0	6	21
<b>Total chamadas</b>	<b>291</b>	<b>99</b>	<b>70</b>	<b>319</b>	<b>779</b>	<b>18</b>	<b>555</b>	<b>1.352</b>

<sup>1</sup>R.E. Resto de España

<sup>2</sup>S/C Sen clasificar

**Táboa nº 7.2 Liña de axuda á infancia. Nº de chamadas de comunicación de sospeita de maltrato, segundo a gravidade. Galicia e provincias. Ano 2020**

Liña de Axuda á Infancia. Chamadas de comunicación de sospeita de maltrato, segundo a gravidade. Galicia e provincias. Ano 2020								
	A Coruña	Lugo	Ourense	Pontevedra	Galicia	R.E. <sup>1</sup>	S/C <sup>2</sup>	Totais
Grave	17	7	3	22	49	0	0	49
Moderado	14	9	11	45	79	0	1	80
Leve	16	12	4	26	58	0	0	61
<b>Total chamadas</b>	<b>47</b>	<b>28</b>	<b>18</b>	<b>93</b>	<b>186</b>	<b>0</b>	<b>1</b>	<b>187</b>

**Táboa nº 7.3 Liña de axuda á infancia. Número de chamadas segundo o tipo de intervención requirido. Galicia e provincias. Ano 2020**

Liña de axuda á infancia. Nº de chamadas segundo o tipo de intervención requirido. Galicia e provincias. Ano 2020								
	A Coruña	Lugo	Ourense	Pontevedra	Galicia	R.E. <sup>1</sup>	S/C <sup>2</sup>	Totais
Atención directa	198	53	42	174	467	16	554	1037
Derivación Serviz. Sociais	0	0	0	0	0	0	0	0
Derivación GOF	2	0	0	5	7	0	0	7
Derivación CPF	0	0	0	0	0	0	0	0
Derivación ETM	91	46	28	140	305	2	1	308
Derivación. Outros	0	0	0	0	0	0	0	0
<b>Total chamadas</b>	<b>291</b>	<b>99</b>	<b>70</b>	<b>319</b>	<b>779</b>	<b>18</b>	<b>555</b>	<b>1.352</b>

<sup>1</sup> R.E. Resto de España

<sup>2</sup> S/C Sen clasificar

**Táboa nº 7.4 Liña de axuda á infancia. Número de chamadas segundo a tipoloxía do interlocutor. Galicia e provincias. Ano 2020**

Liña de axuda á infancia. Nº de chamadas segundo a tipoloxía do interlocutor. Galicia e provincias. Ano 2020 <sup>3</sup>								
	A Coruña	Lugo	Ourense	Pontevedra	Galicia	R.E.	S/C	Totais
Menor	23	5	6	35	<b>69</b>	3	34	<b>106</b>
Pai/Nai/Titor/a	80	21	16	73	<b>190</b>	6	163	<b>359</b>
Outro familiar	24	4	5	29	<b>62</b>	5	49	<b>116</b>
Veciño/Coñecido	11	8	6	14	<b>39</b>	3	26	<b>68</b>
Profesional	119	29	22	102	272	5	40	317
Anónimo	3	0	1	2	<b>6</b>	0	149	<b>155</b>
Outro	10	3	0	11	<b>24</b>	1	206	<b>231</b>
<b>Total chamadas</b>	<b>270</b>	<b>70</b>	<b>56</b>	<b>266</b>	<b>662</b>	<b>23</b>	<b>667</b>	<b>1.352</b>

<sup>3</sup> Neste cadro a distribución xeográfica refírese á orixe da chamada, non ao lugar de residencia do/a menor

**Táboa nº 7.5 Liña de axuda á infancia. Número de chamadas segundo a idade e sexo da/do menor ao que se refire a chamada. Ano 2020**

Liña de axuda á infancia. Nº de chamadas segundo a idade e sexo da/do menor ao que se refire a chamada. Ano 2020				
	Homes	Mulleres	Sen clasificar	Total
0-4 anos	50	46	11	<b>107</b>
5-10 anos	70	73	11	<b>154</b>
11-15 anos	113	134	21	<b>268</b>
16-18 anos	120	113	9	<b>242</b>
>=18 anos	1	0	1	<b>2</b>
Sen clasificar	92	70	417	<b>579</b>
<b>Total chamadas</b>	<b>446</b>	<b>436</b>	<b>470</b>	<b>1.352</b>





 Xacobeo 21-22

galicia



XUNTA DE GALICIA